

DE
NOMINE
ADVOCATORVM
HONORIFICENTISSIMO

DISSERIT

SIMVLQVE

LECTIONES PRIVATAS

HOC SEMESTRI AESTIVO

HABENDAS

INDICIT

ADRIANVS STEGERVS,

PHIL. ET I.V.D.

SVPR. CVR. PROV. ET CONSIST. ASSESSOR
ET SENATOR.

LIPSIÆ
EX OFFICINA LANGENHEMIL



ФИЛМОВ

НА ПАСОСА

НА ПАСОСА

НА ПАСОСА

НА ПАСОСА

НА ПАСОСА

НА ПАСОСА

НА ПАСОСА



PROOEMIUM.

NVlla res tam bona, tamque omnibus numeris absoluta dici aut fingi potest, quam non soleant ad abusum trahere mortales, ad mala quam ad bona iuitanda procliuiiores. Quod cum ex tot exemplis, quot res existere in hac vniuersitate videmus, manifestum est, tunc ex nomine ADVOCATORVM tam clarum, quam quod maxime. Nam quemadmodum antiquissimis temporibus suae originis, tam nobile, tamque honorificum hoc nomen fuit, vt paucissima eidem praeferenda, plurima vero postponenda iure meritoque videantur, sic nostra aetate nihil eo humilior, nihil abiecius, nihil sordidius existimant, qui de meliore luto se fictos, nec obesae naris esse iactitant. Hinc nullum est genus conuiciorum, quod non pleno ore eruant in ADVOCATOS: Crepant *vulturios togatos*,
A 2
clamant

clamant *formularios* ac *legicrepas*, fingunt *deos notariorum*, *patresque artis rabulisticae*. Causam si quaeras, cur tanto correpti impetu debacchentur in hominum genus generi humano vtilissimum maximeque necessarium, non adeo difficilis ea est coniectura. Vulgi sermone tritissimum est dictum, ignoti nulla cupido, et ars non habet osorem nisi ignorantem; Hanc qui causam conuiciorum, quae in *ADVOCATOS* conuiciuntur, venditare voluerit, per me id vnique erit integrum: Persuasissimus certe sum, si hi *ADVOCATORVM* calumniatores duces eligerentur ad iustitiam exercendam, et ad suum cuique ius tribuendum, breui ea tempora postliminio quasi reditura esse, quibus *Astraea* propter hominum ignorantiam malitiamque in coelum euolasse dicitur. Nec is me adeo sibi contrarium habuerit, qui istos homines similes esse dixerit illis, qui lunam in coelo positam nulla alia de causa allatrant, quam quod ad eam adspirare nequeunt: Nam sicut verissimum est, quod ille ait, assidua virtutis comes est inuidia, sic mirum non est, *ADVOCATOS* iustitiae ministros et defensores, ab iis proscindi, qui se solos iudicant peritos, quique nihil rectum putant, nisi quod ipforum studiis moribusque conueniat: qui si tenerent iustitiam esse reliquarum virtutum dominam ac reginam, mundumque sole facilius, quam iustitia carere posse, nunquam, indignissima plane homine ingenuo et humanitatis studio, ratione, inueherentur in eos, qui sacra iustitiae pandunt, et suum cuique ius conciliant. Nunquam etiam *ADVOCATOS* sibi fingerent, et aliis exhiberent, quos ad hanc vitae rationem ineundam desperatio adegit, nec illos Deo hominibusque inuisos proponerent; multo minus *privilegia*, quibus causarum Patroni vtantur, a nemine, nisi ab eo, qui ista lepidissime sibi visus est excogitasse, vnquam usurpata et adhibita: Sed cur id fiat, in promptu

promptu causa est: Quoniam enim hæc cohors est pugna-
cissima, usque eo, ut, si non inueniat hostem, eum sibi men-
te concipiat ipsa, ita sit, ut tales ADVOCATOS animo fin-
gat, quales nulla vnquam actus tulit, ne, quum cæstus ubi-
que iaceret, Andabatarum more, cum umbra pugnasse videat-
tur. Melius sine dubio consulerent: eiusmodi homines re-
bus suis, si de re, quam nec intelligunt, nec ab aliis intellectam
pati possunt, male loqui ac scribere desinerent. Verendum
enim est, ne ipsis accidat, quod Megabyzae contigisse olim
legimus: Qui, cum in officinam Apellis, nobilissimi pictoris,
aliquando intrasset, et tandem quaedam de arte pingendi
differere coepisset, ideo ab Apelle reprehensus est, quod de
rebus, quas non sciret, loquens rideatur a pueris, qui eum
antea ob purpuram et aurum suspexissent. Certe non
exiguam rerum ignorantiam produnt illi, qui ADVOCAT-
TORVM nomen ignobile nec honorificum contendunt, si-
quidem nullum fere nomen, tantis facile personis tributum
est, tantisque laudibus ornatum, quam ADVOCATORVM.
Quam rem ut paulo copiosius explicare constitui, sic in
duo capita omnem distribuam tractationem, quorum
vnum docebit ipsum nomen ADVOCATORVM summis per-
sonis honorificentissimisque olim fuisse impositum, alterum
vero exponet Titulos et laudum ornamenta, quibus ipsi
ADVOCATI in Corpore iuris decorantur.

6 DE NOMINE ADVOCATORVM

CAPVT PRIMVM.

DE

NOMINE ADVOCATORVM HONORIFICENTISSIMIS PERSONIS TRIBVTO.

§. I. Origo ADVOCATORVM varia traditur. Vnde petenda?

§. II. ADVOCATI, apud Romanos, quid? et an a Patrono differant? An iureconsulti?

§. III. Iuris consultorum dignitas: quid apud Romanos?

§. IV. ADVOCATVS idem, qui causae patronus:

§. V. Ipsi Imperatores ADVOCATI

TI dicti. ADVOCATIAE Ecclesiasticae Origo. Nomen ADVOCATIA quando ortum?

§. VI. ADVOCATIA distincta in vniuersalem.

§. VII. In Generalem:

§. VIII. In Specialem:

§. IX. ADVOCATI fisci dignitas.

§. X. Aduocatae provinciales per Germaniam.

§. I

QUod ad nominis ADVOCATI originem attinet, primus id statim conceptus docet, deriuandum esse a verbo *aduoco*, cui etiam res ipsa patrocinator, vti ex mox dicendis, patebit pluribus. Sed quamuis haec sint clarissima, et in mensa solis, quod aiunt, posita, tamen hic etiam criticorum ingenia, se non potuerunt non more consueto ostendere. Nam in procliui est, alios nominis ADVOCATI natales in Graecia, alios in Iudaea, alios denique in Germania quaesiuisse. Qui Graeciae sunt paulo studiosiores, illud deducunt a Graecorum *Βονδὴς* vel *Βονδελος*, quorum hoc *auxilium*, illud autem *adiutor* significat; quo praeter ceteros spectat IO. IACOB. DRACO *de Orig. et iur. Patric. Lib. II. c. 6. n. 25.* At haec si deriuatio admittenda esset, ante omnia demonstrari oporteret, ipsum Latinum verbum

verbum *voco* a Graeco *βονδτω* descendere, quod vero quam contortum esset, quamque inuita fieret Minerva, nemo non perspicit. Nec magis illi sunt audiendi, qui nescio quo amore in Ebraeam linguam fascinati, quemadmodum omnes volunt reliquas linguas et voces ex ea deducere, sic etiam nominis ADVOCATUS Originem scrutantur in voce Ebraeorum *קרא*, quae Praefectum notat vid. MARTIN. MAGERVUS de *advocatia armata* Cap. 7, n. 61. et 203. Nam quid opus est, ab Ebraeis petere subsidia, cum ea faciliori negotio, in ipso Latio haberi queant? A Germanis denique, qui originem huius nominis arcessunt, et a nomine *Voigt*, vel a verbo antiquo *Vögen*, i. e. *disponere, ordinare*, derivant, egregie ignorant, Romanis nomen ADVOCATORUM prius cognitum fuisse, quam ipsos Germanos: vid. M. EHRENFRIED DÜRR *Diff. de terra advocatorum* §. 12. et 13. Nobis igitur istorum sententia insigniter placet, qui ADVOCATOS dictos putant ab *advocando*. vid. BRISSONIVS de *verbor. signif. verb.* ADVOCATUS.

§. II.

Evoluta breviter origine nominis, rei etiam natales sunt inquirendi. Quid initio apud Romanos fuerint ADVOCATI, ipsa nominis ratio declarat. Nam *moris erat*, inquit FRANCISCVS HOTOMANNVS ad *Ciceronis orationem pro Quinctio* cap. I. in iudiciis tum publicis, tum privatis amicos omnes *advocare*, quorum auctoritate moveri iudices posse putabantur, ii que ADVOCATI dicebantur, qui scilicet praesentiam suam amico, ut eorum praesidio, ab iniuria adversarii tutus esset, commodabant. Itaque ADVOCATUS ab actore seu patrono causarum ita differebat primis apud Romanos temporibus, ut ille aut ius suggereret, aut praesentiam suam commodaret, hic vero causam ageret et peroraret. Tradit id verbis disertissimis ASCO-

NIVS

§ DE NOMINE ADVOCATORVM

NIVS PAEDIANVS *ad Ciceronis diuinationem in Verrem* pag. 1759: *Qui defendit alterum in iudicio, aut patronus dicitur, si orator, aut ADVOCATVS, si aut ius suggerit aut praesentiam suam commodat, aut procurator, si negotia suscipit, aut cognitor, si praesentis causam nouit, et sic tuetur ut suam.* Inde Latinis reus dicitur aduocare; ADVOCATVS contra adesse. Prius manifestum est ex PLINIO *Lib. IV. Epist. XVII.* *Est quidem mihi cum isto, contra quem me ADVOCAS, non plane familiaritas, sed tamen amicitia.* Vnde aduocare Latinis est fautores conquirere, ac patronos seu ADVOCATOS rogare. *vid. IOA. FRIDER. GRONOVIVS ad Senecam de clementia Lib. I. cap. IX.* Contra de ADVOCATIS seu fautoribus verbum adesse a Romanis adhibitum fuisse ex eodem PLINIO patet *Lib. I. epist. VII.* *Nec fidei nostrae, inquit, nec constantiae, quam diligis, conuenit, adesse contra prouinciam, quam tot officiis, tot laboribus, tot etiam periculis meis aliquando deuinxerim.* Nam teste DONATO *ad Terentii Andr. prolog. vers. 24.* ADVOCATVS reo dicitur adesse. Eodem cum primis pertinet CICERO *Topic. XVII.* *Priuata iudicia maximarum quidem rerum in iure consultorum mihi videntur esse prudentia; nam et adsunt multum, et adhibentur in consilium, et patronis diligentibus ad eorum prudentiam confugientibus hastas ministrant.* Ex quo quidem loco lucidissime apparet, tempore Ciceronis ADVOCATORVM nomine venisse Iureconsultos. Iam vero si ADVOCATI dicti sunt Iureconsulti apud Romanos, nihil de hoc nomine honorificentius dici potest.

§. III.

Quis enim nescit, Iure Consultos apud Romanos, summae dignitatis, summaeque auctoritatis viros fuisse? Nam ad aedes eorum confluebat mane turba clientum, qui ad eos

eos consulendos ostia pulsabant. HORATIVS sic canit *Serm. I. 1. 9. seqq.*

*Agricolam laudat iuris legumque peritus
Sub Galli cantum, consultor ubi ostia pulsat.*

Vestibulum maxima quotidie frequentia civium frequentabatur, et atria, hominibus plena, conspiciebantur. Eleganter CICERO de oratore I. 45. *Quid enim est praeclarus, quam posse suo iure dicere idem, quod apud Ennium, dicat ille Pythius Apollo, se esse eum, unde sibi, si non populi et reges, at omnes sui ciues consilium expectant:*

*Suarum rerum incerti, quos ego mea ope ex
Incertis certos compotesque consilii*

Dimitto, ut ne res temere tractent turbidas.

Est enim sine dubio domus Iuris consulti totius oraculum civitatis. Huc accedit, quod non solum consulentibus responsa sua dabant Iureconsulti, verum etiam a iudicibus ipsis nonnunquam consulebantur. Perspicuum id est ex GELLIO Noct. Artic. Lib. XII. c. 13. *Quum Romae a Consulibus iudex extra ordinem datus, pronunciare intra Kalendas iussus essem, Apollinarem Sulpicium doctum virum percunctatus sum, an his verbis intra Kalendas, ipsae quoque Kalendae tenerentur, dixique ei, me videlicet datum, Kalendasque mihi predictas, ut intra eum diem pronunciarer. Cur, inquit, hoc me potius rogas, quam ex istis aliquem peritis studiosisque viris, quos adhibere in consilium iudicaturi soletis? Tum illi ego ita respondi: Si aut de vetere, inquam, iure, aut recepto, aut controuerso et ambiguo aut nouo et constituto discendum esset, issem plane sciscitatum ad istos, quos dicis etc. etc.* Plura de Iureconsultorum apud Romanos dignitate et auctoritate dabunt Illustr. 10. GOTTL. HEINECCIUS, in *Antiquit. Roman. Lib. I. Tit. II. §. 31. seqq. pag. 60. seqq. et Conf. 10. LVD. LANGGV-*

B

THVS

THIVS, amicus noster coniunctissimus in *diff. inaug.* nuperrime apud nos habita; *De Libertate sentiendi iurisperitorum veterum Romanorum, hodiernorumque.* Quid igitur nomine ADVOCATI honorificentius apud Romanos, quod de iis dicebatur, *quorum ianua, ut CICERO loquitur, de Oratore l. 45. et vestibulum, maxima quotidie frequentia civium ac summorum hominum splendore celebratur.*

§. IV.

Negari non potest, Ciceronis tempore ADVOCATVM, ut iam diximus, a patrono causae distinctum fuisse. Id praeter cetera monstrat locus eiusdem CICERONIS pro Cluentio cap. 40. *Nam quam quidem Quinctius causam unquam antea dixerat, cum annos ad quinquaginta natus esset? quis eum unquam non modo in patroni, sed in laudatoris aut ADVOCATI loco viderat?* Interim tamen vehementer se et alios fallunt, qui negant, ac pernegant, ADVOCATVM a Romanis eum appellatum esse, qui causam agit, reumque defendit. Nam ut alia testimonia ex Corpore iuris huc omnino facientia iam praetermittam, ita disertissime legitur: *l. 6. pr. C. de Postul. Quisquis vult esse causidicus, non idem in eodem negotio sit ADVOCATVS et iudex, quoniam aliquem inter arbitros, et patronos oportet esse delectum.* In quo quidem loco quum *causidicus*, ADVOCATVS ac *patronus*, unam eandemque personam denotent, quae scilicet causam agat ac defendat, quis dubitabit, tunc temporis ADVOCATOS eosdem fuisse, quos Romani primis temporibus causarum patronos nuncuparunt. Neque vero defunt auctorum Latinorum, quos ad argenteam aetatem, harum rerum studiosi, plerumque referunt, suffragia; quibus ADVOCATVS pro causae patrono agnoscitur et confirmatur. Ita saepe hoc nomen posuit

posuit PLINIUS Lib. V. Epist. XXI. Sedebant iudices, decemviri venerant, observabantur ADVOCATI, silentium longum, tandem a praetore nuntius. Consentit TACITVS Annal. Lib. XI. cap. 5. 6. et 7. cuius locum integrum iuuabit apponere, quippe nostro instituto perquam accommodatum: Continuus inde et saeuus accusandis reis Sui- lius, multique audaciae eius aemuli. Nam cuncta legum et magistratum munia in se trahens princeps, materiam praedandi patefecerat; Nec quidquam publicae mercis tam venale fuit, quam aduocatorum perfidia: adeo, ut Sa- mius insignis eques Romanus, quadringentis nummorum millibus Suiio datis, et cognita praeuaricatione, ferro in dōmo eius incubuerit. Igitur incipiente C. Silio consule de- signato, cuius de potentia et exitio in tempore memorabo, consurgunt patres, legemque Cinciam flagitant, qua cauetur antiquitus: Ne quis ob causam orandam pecuniam, do- num accipiat. Deinde obstrepentibus his, quibus ea con- tumelia parabatur, discors Suiio Silius acriter incubuit, veterum Oratorum exempla referens, qui famam in poste- ros, praemia eloquentiae cogitauissent pulcherrima; alio- quin et bonarum artium principem sordidis ministeriis foedari; ne fidem quidem integram manere, ubi magnitu- do quaestuum spectetur; quod si in nullius mercedem ne- gotia tueantur, pauciora fore: nunc inimicitias, accusa- tiones, odia, et iniurias foueri, ut quomodo vis morborum pretia medentibus, sic fori tabes pecuniam aduocatis fe- rat; meminissent C. Asinii et Messallae ac recentiorum Ar- runtii et Aesernini, ad summa prouectos incorrupta vita et facundia. Talia dicente consule designato, consentientibus aliis parabatur sententia, qua lege repetundarum teneren- tur; cum Suius et Cossutianus et ceteri, qui non iudi- cium (quippe in manifestos) sed poenam statui videbant,

circumsistunt Caesarem, ante acta deprecantes; Et postquam annuit tacens, incipiunt: Quem illum tanta superbia esse, ut aeternitatem famae spe praesumat? usui et rebus subsidium praeparari, ne quis inopia aduocatorum potentioribus obnoxius sit: neque tamen eloquentiam gratuito contingere: omitti curas familiares, ut quis se alienis negotiis intendat; multos militia, quosdam exercendo agros tolerare vitam, nihil a quoquam expeti, nisi cuius fructus ante praeuiderit. Facile Asinium et Messalam, inter Antonium et Augustum bellorum praemiis relictos, aut ditium familiarum haeredes Aeserninos et Arruntios, magnum animum induisse: prae se sibi exempla, quantis mercedibus P. Clodius, aut C. Curio concionari soliti sint, se modicos Senatores, quieta Rep. nulla nisi pacis emolumenta petere. Cogitaret plebem, quae roga enitesceret; sublatis studiorum pretiis, etiam studia peritura. Accedit porro auctor dialogi de Causis corruptae eloquentiae cap. I. Horum temporum disertis causidici, et ADVOCATI et patroni, et quidvis potius, quam oratores vocantur. Omnium vero clarissime GELLIVS Noct. Artic. Lib. I. cap. XXII. Irroboraui inueterauique falsa atque aliena verbi significatio eius, quod dicitur, hic illi superest, quum dicendum est, ADVOCATVM esse quem cupiam, causamque eius defendere. Sed satis ex his elucere arbitror, honorificum ADVOCATORVM nomen apud Romanos fuisse. Ergo ad reliqua pergo.

§. V.

Quemadmodum apud Romanos viri honorificentissimi et in summo culmine honorum ac famae splendore constituti dicebantur ADVOCATI, sic, extincta republica Romana, et in singulare Imperium commutata, ipsi Imperatores, qui summam imperii tenebant, nomen ADVOCATI dignum

dignum iudicarunt, quod sibi fumerent. Ergo, si maxima est inter gentes dignitas, quam sustinet Romanorum Imperator, tanto maiori etiam honori cedit nomini ADVOCATORVM, vtpote ab illis vsurpato, quanto excellen-
tior est imperatoria dignitas, reliquorum principum amplitu-
dine. Cur vero, et quo sensu Imperator se ADVOCATVM
vocet, neminem ignorare puto: quem enim fugit Impe-
ratoris ADVOCATIA ECCLESIASTICA? Quod ad rei
-originem attinet, multo illa est antiquior, quam ipsum no-
men ADVOCATIA. Nam illa ab ipsis vitae monasticae
instituta est arcessenda, quippe quibus vel sanctioris pro-
fessionis ratio, vel administratio sinistra bonorum Ecclesi-
asticorum vel monasteriorum et Ecclesiarum incoheruit
suasit, ut protectores sibi tutoresque praeficerent, quorum
sub patrocinio tuti esse possent. His accedit conciliorum
-autoritas, Carthaginensis prioris et Mileuitani, quae satis
superque demonstrant, iam isto tempore protectorum Ec-
clesiasticorum usum viguisse. Ipsi etiam Byzantini Impe-
ratores in actu inaugurationis, solenni, sacramento se ad ec-
clesiae protectionem obligarunt; vid. GABR. SCHWEDE-
-RVS in *diff. de aduocatia ab Imperatore protestantium Ec-*
-clesiis non minus ac Rom. Catholicis aequali iure praestan-
-da. Part. I. §. 2. seqq. Ipsum vero nomen ADVOCATIA
Carolo M. demum Tituli loco accessit, eiusque tempori-
bus vsu inualuit. Nam hoc artificio vsus est semper Pon-
tifex Romanus, ut principes de se bene meritos honorificis
ornaret Titulis: Nota sunt nomina regibus Hispaniarum,
-Galliarum, Hungariae et Angliae tributa, Catholicus, Chri-
-stianissimus, Apostolicus, defensor fidei: Eadem ratione,
-scribit CASP. ACHATIUS BECK in *diff. de Triplici Aduo-*
-catia Imperatoris Ecclesiastica Cap. III. §. 1. euenit, ut
-reges Francorum Pipinus et Carolus M. praestito feliciter,

ad quod vocati erant, contra Longobardos auxilio, defensores seu ADVOCATI ECCLESIAE ROMANAE appellarentur: Vnde postea patrocinium illud usitato tum temporis vocabulo, vtut minus Latino, ADVOCATIA dici coepit. Et sane Adrianus Pontifex Romanus Carolum Francorum regem, imperatorio titulo, per trinam populi Romani acclamationem insignitum, aurea corona pretiosissima et augustali chlamyde exornauit, hocque ipso, recepto solemniritu iuramento, protectorem et ADVOCATVM Romanae Ecclesiae constituit. *vid. GABR. SCHWEDERI diff. cit. Part. I. §. 4.*

§. VI.

Varie distinguitur haec ADVOCATIA Imperatoris Ecclesiastica. Nonnulli enim duas eius constituunt partes, eamque vel generalem seu communem, vel specialem esse affirmant. Faciunt id IACOB. CAR. SPENER in *iure Germanico publico Part. III. pag. 400.* itec non IO. CHRIST. MULDNERVS in *diff. de protectione ab imperatore ecclesiis vtriusque religionis debita.* Nobis hic licebit, eorum legere vestigia, qui hanc ipsam ADVOCATIAM Imperatoris ecclesiasticam diuidunt in *uniuersalem, generalem, et specialem*, propterea, quod haec diuisio nostris est temporibus accommodatissima: Praeuiuit nobis hac in parte cum primis paulo ante laudatus CASP. ACHAT. BECK in *cit. diff.* Hic enim, disposita, vt diximus, hac aduocacia in *uniuersalem, generalem et specialem*, capite I. exponit, *uniuersalem* illam, quam *ius* esse dicit, *uniuersam ecclesiam christianam contra christiani nominis hostes tuendi ac protegendī, causasque illius etiam controuersas, ad communem salutem et tranquillitatem dirigendi ex consensu aliarum gentium, omniumque saeculorum usu, Romano-Germanicis Imperatoribus legitime quaesitum.* Atque huc pertinet, quando

do Fridericus I. Imperator ADVOCATVS peculiaris terrae Palaestinae appellatur; TAGENO in *descript. expedit. Aasiat.* p. 13. In Nomine Domini nostri Iesu Christi, Romanus Imperator, ADVOCATVS peculiaris terrae Palaestinae hostes penetrauit securus. Vi huius vniuersalis aduocatae etiam aliis gentibus Synodos indicebat vid. SPENER *dist. loc. pag. 392.* Sic enim Vrbanus IV. pontifex scribit ad Richardum imperatorem apud LEIBNITIVM *Prodrom. Cod. Diplom. Num. XIV. p. 13.* Sacerdotium pium et tutum debet habere refugium, imperialem mansuetudinem, cum sua veneratione coniunctum, ut imperii Romani fastigium, et eius culmini praesidens, specialis ADVOCATI, et defensoris praecipui circa ecclesiam gerat officium, et in ipsius fortitudine brachii, defensentur ecclesiae libertates, et iura manuteneantur ipsarum, extirpentur haereses, cultus Christianae fidei amplectitur, etc. Vnde fiebat, ut Imperatores vocarentur: Vogt, und Schirm-Herr der Christlichen Kirche, in *recessu Imp. Treuir. et Colon. de anno 1512. §. 4.* Der oberste Vogt und Schirm-Herr der heiligen Christlichen Kirche, in *R. I. Augustano de anno 1530. §. 9.* Der heiligen Christlichen Kirche rechter Vogt, Schut. und Schirm-Herr, in *R. I. Augustano, de anno 1518. §. 1.* Advocat der heiligen Christlichen Kirchen und Beschirmer der Concilien, in *R. I. Augustano, de anno 1548. §. 6.* Imo ipsi Imperatores non dubitarunt semet ipsos appellare ADVOCATOS Ecclesiae, quod suis exemplis confirmant temporibus novissimis IOSEPHVS ET CAROLVS VI. in *Capitulationibus suis Articulo 1.*

§. VII.

Generalis vero Imperatoris ADVOCATIA est, deficiente eodem BECKIO *cit. diff. cap. II. §. 1. ius, aequali modo regendi tuendique ecclesias in Civitate Romano-Germanica*

manica publice approbatas, Caesareae maiestati vi summi Imperii competens, atque secundum leges fundamentales, ad communem reipublicae salutem, exercendum. add. SCHWEDERVS in cit. diff. Part. II. pag. 23. seqq. Generalem appellare solent iuris publici doctores, quia medio quasi incedit gradu, si nimirum vniuersalem illam, et deinde specialem, inter se contendimus: Nam quemadmodum illa vniuersalis, ad vniuersalem ecclesiam, et haec specialis ad ecclesiam Romanam speciatim spectat, sic haec generalis respicit et repraesentat defensionem trium illarum in imperio Germanico toleratarum ecclesiarum publiceque comprobatarum religionum. Si quis tamen ideo eam velit vocare generalem quod vnusquisque princeps generatim officii sui ratione, et sine vlla obligatione speciali omnibus sibi subiectis in genere eam praestet, non adeo a vero aberrauerit.

§. VIII.

Specialis denique ADVOCATIA Imperatoris ad pontificis sedem Romanam pertinet. Huic enim speciali ratione protectionem praestare tenebantur imperatores, vi illius, quod Pontifici dare debuerant, promissi, an iuris iurandi. Docet id praeter cetera exemplum Henrici II. qui referente DITHMARO Lib. VII. p. 400. ad ecclesiam S. Petri, Papa expectante venit, et antequam introduceretur; ab eodem interrogatus, si fidelis vellet Romanae patronus esse et defensor Ecclesiae, sibi autem suisque successoribus, per omnia fidelis, deuota professione respondit. Quae quum ita sint, inimicum veritatis esse oportet, qui nomen ADVOCATORVM non sit reputaturus HONORIFICVM, quod ne Imperatores quidem dedignati sunt et sibi vindicare, et tituli loco vsurpare.

§. IX.

§. IX.

HONORIFICVM etiam ADVOCATORVM nomen reddidit fiscus sub Imperatoribus. Nam fisci patroni seu ADVOCATI viri fuerunt amplissima dignitate, maximisque honoribus praediti; De iis agitur in *Tor. tit. Cod. de aduoc. Fisc.* Hanc dignitatem primus omnium instituisse, legitur Adrianus Imperator. Nam teste AELIO SPARTIANO in eius vita cap. 20. *Fisci ADVOCATVM primus instituit.* Amplitudo huius muneris ex officio suo satis cognosci potest, quod non solum circa causas Ciuiles versatur, sed et ad Criminalia se extendit, quemadmodum id docuit ARNOLDVS IKEN in *disf. inaug. De Aduocato fisci, eiusque officio.*

§. X.

Nec parum honoris conciliant huic nomini ADVOCATIAE prouinciales per Germaniam: De his *Vir Illustr. IO. IAC. MASCOVIVS*, Praeceptor noster, aetatem pie deuenerandus, in *princip. iur. publ. Lib. IV. cap. 5. n. 44. pag. 264.* hisce verbis loquitur: ADVOCATI per prouincias res et iura Imperii aut bona Episcoporum aut monasteriorum curabant. Neque enim illa prouincia quae nobis *Boigtland* dicitur, aliunde nomen accepit, nisi ab his ipsis ADVOCATIS; Et quis nescit prouincialem aduocatiam per Sueuiam et Alsatiam? De aduocatis publicis inferioris Lusatiae lectu dignissima est *Disseratio Exc. CAR. WILH. GAERTNERI*, patroni nostri colendissimi, de hac materia Lipsiae habita. Nonne etiam ipsae vrbes Imperii immediatae teste iam laudato *Ill. MASCOVIO tit. loc. cap. 7. n. 6. 7. et 8. p. 278. vel ADVOCATVM, vel Scultetum*, interdum vtrumque Magistratum ab Imperatore acceperunt: qui partiri iurisdictionem solebant, ita plerumque, ut in causis capitalibus ADVOCATVS, in Ciuilibus Scultetus cognosceret? Nonnullae etiam ADVOCATO Prouinciali

*ciali in quibusdam partibus fuerunt obnoxiae, vt decem ciuitates in Alsatia, quae sub praefectura Prouinciali Hagenuiensi fuerunt. Haec ADVOCATI ac Sculteti officia, passim familiis quibusdam iure hereditario concessa fuerunt: Sic domus Saxonica quondam et ADVOCATI, et Sculteti officium habuit, in vrbe Nordhusa, et Domus Hassiaca adhuc habet praefecturam Imperialem in vrbe Vetzlaria. Haec sane omnia loquuntur dignitatem perquam honorificam ADVOCATORVM; vt de ADVOCATIS, et ADVOCATIIS Germanicis omnibus sigillatim nihil commemorem: de quibus ita egit Ill. et Magnif. CAROTTO RECHENBERG vir omni nostra laude maior, patronus noster submisit venerandus in diff. de ADVOCATIS et ADVOCATIIS Germanicis, vt, quid hac in materia desiderari amplius possit, non videamus. Nolo etiam multis ostendere, ADVOCATOS praelatorum nomine merum imperium exercuisse, et pro Episcopis et abbatibus inter Ciues ipsius ecclesiae ius dixisse, eorumque consensum in feudalibus inuestituris necessarium fuisse, et quatenus praefecti regionis fuerunt, aut prouinciae, comitibus et consulibus praelatos fuisse. Taceo denique omnes principes, qui sibi subiectos, a vi et hostibus defendunt, ADVOCATOS et esse et dici consueuisse. De quibus omnibus copiosissime iam differuit MARTINVS MAGERVS de *advocatia armata cap. II. X. et XI. etc.* Satis itaque, ni fallor, haecenus commemoratis euictum dedimus nomen ADVOCATORVM summis doctissimisque viris olim apud Romanos, Imperatoribus, prouinciarum praefectis, aliisque principibus, tributum, honorificum omnino esse. Restat, vt nunc etiam, absoluta prima tractationis parte, ad alteram progrediamur, et Titulos, quibus ADVOCATI in Corpore iuris ornantur, praecipuos breui exponamus.*

CAPVT SECVNDVM.

DE

TITVLIS ADVOCATORVM HONORIFICIS IN CORPORE IVRIS.

§. I. ADVOCATI militibus comparati.

§. II. *Dicti* SACERDOTES IVSTITIAE. *Orpheus, cur Sacerdos dictus?*

§. III. nuncupati TOGATI:

§. IV. appellati SCHOLASTICI:

§. V. vocati ORATORES, et

DISERTISSIMI: *Fructus eloquentiae.*

§. VI. laudati CLARISSIMI:

§. VII. nominati CLARISSIMA ELOQVENTIAE NVMINA.

§. VIII. *designati* PATRONI, *id.* PATRONI CAUSSARVM.§. IX. *Lectio*num *indictio*.

§. I.

Hic vero quid per ADVOCATOS intelligam, si quis quaerat, huic, meo nomine respondeat VLP IANVS L. I. §. II. *D. de extraord. cognit.* qui per ADVOCATOS omnes intelligit, qui *caussis agendis quoquo studio operantur.* Non novam hanc esse noninis notionem supra nos docuisse recordamur. Itaque his missis, ad ipsos Titulos statim pergemus, quibus hi ADVOCATI ornantur in Corpore Iuris. Non tamen multi erimus in congerendis omnibus illis locis, qui ADVOCATORVM honorificam faciunt mentionem. e. g. L. 4. *pr. C. de adu. diuers. iudic.* Laudabile vitaeque hominum necessarium ADVOCATIONIS officium maxime principalibus praemiis oportet remunerari. Temperare interim nobis non possumus, quin elegantissimum illum adducamus locum, ubi militibus comparantur: Ita enim Impp. Leo et Anthemius L. 14. *C. de adu. diu. iudicior.* scribunt: ADVOCATI qui dirimunt ambigua fata causarum, suaeque defensionis viribus saepe publicis ac priuatis lapsa erigunt, fatigata reparant, non minus provident humano generi, quam si praeliis atque vulneribus patriam parentesque saluarent. Nec enim solos nostro imperio militare credimus illos, qui gladiis, clypeis, et

thoracibus nituntur, sed etiam ADVOCATOS: Militant namque causarum patroni, qui gloriosae vocis confisi munimine laborantium spem, vitam, et posteros defendunt. Eadem iam metaphora in efferendis ADVOCATIS eorumque laboribus vsus est CICERO pro Murena Cap. IX. quo iudice ADVOCATVS de nocte vigilat, quo suis consultoribus respondeat, sic miles, ut mature, quo intendit, veniat: Illum gallorum, hunc buccinae cantus exuscitat: ille actionem instituit, hic aciem instruit; ille cauet, ne sui consultores, hic ne castra aut vrbes capiantur: ille scit, ut aquae pluviae, hic ut hostium copiae arceantur. Tam elegans, tamque honorifica haec est ADVOCATORVM comparatio, cum militibus, ut suo quodam iure, peculiari dissertatione eam illustraverit GUIL. HIERON. BRVCKNERVS, de strategematibus aduocatorum. Sed talibus iam non libet immorari, utpote quae non singulari titulo ADVOCATOS cohonestant sed officium magis eorum referunt, de quo nuper Cel. DIETR. HERM. KEMMRICH edidit programma, inscriptum: De Munere aduocatorum honorifico.

§. II.

Augustissimum aeque ac honorificentissimum esse Titulum qui ADVOCATIS in L. I. §. 1. D. de I. et I. datur quoque *Sacerdotes Iustitiae* appellantur, is demum meo iudicio negabit, qui ignorat, sacerdotes olim in summo honore fuisse ipsosque sacro sanctos. Tam splendidum, tamque honorificum sacerdotii munus reputabatur, ut ipsi reges illud interdum gessisse memorentur. In vulgus paene notus est versus VIRGILII Aeneid III. 80.

Rex Anius, rex idem hominum Phoebique sacerdos.

ad quem locum SERVIVS: *Maiorum enim haec erat consuetudo, ut rex esset etiam sacerdos et pontifex. Et de Iudaeis, praeter ipsas litteras sacras memorat IUSTINVS XXXVI, 2, morem apud eos fuisse, ut eosdem reges et sacerdotes*

dotēs haberent. Iam vero quod ad rempublicam Iudaeorum, eiusque administrationem attinet, concedo sane sacerdotes simul reipublicae praefuisse, et cum regni gubernatione sacerdotium gessisse. At de aliis populis, de quibus id vulgo traditur, ut id credam, nondum adduci potui. Constat inter omnes, antiquissimis temporibus legum latores congressum Deorum Dearumque simulasse, et leges sibi a Diis reuelatas iactitasse. Notius est Numae, qui Romanis leges scripsit, exemplum, quam ut multis describi debeat; Nam tanta fuit priscae aevi simplicitas, ut nihil salutare ac proficuum reputaret, nisi ab ipsis Diis profectum esset. Hinc latores legum sacerdotes se venditabant Deorum, quo hac ratione plebi ignarae persuaderent, se cum ipsis Diis habere consuetudinem et in legibus ferendis ab iisdem adiuari. Ergo, quando Orpheus, qui Thracibus leges dedisse traditur, sacerdos vocatur, id ita capiendum mihi videtur, ut hoc ipso indicetur, ipsum legum suarum originem ad Deos retulisse, adeoque *Sacerdotem iustitiae* fuisse. Vocant autem Orpheam Sacerdotem VIRGILIUS: *Aeneid. VI. 645. seqq.*

*Nec non Threicius longa cum veste Sacerdos
Obloquitur, numeris septem discrimina vocum.*

et HORATIUS *de arte poetica vers. 391. seqq.*

*Siluestres homines sacer interpretisque Deorum
Caedibus et victu foedo deterruit Orpheus.*

Ex quo quidem loco Horatii perspicitur, toto errare coelo, qui existimant Orpheam Sacerdotio fuisse functum. Atque id etiam de aliis regibus, qui simul Sacerdotes fuisse dicuntur, probari posset, si id agere nunc esset propositum; Interea si ipsi reges iustitiae sacerdotes antiquitus fuerunt, dum populo vel leges dederunt, vel iustitiam instillarunt, nihil ADVOCATIS honorificentius iudicandum est, propterea, quod idem

ille titulus ipsis ideo assignatur, quia iustitiam partim homines docent, partim publice defendunt.

§. III.

Saepius iidem hi ADVOCATI etiam vocantur in corpore iuris nostro *togati* : l. 3. 5. 6. 8. 9. *seqq.* C. de *adu. diu. iudicior.* quod ipsum nomen satis honorificum esse, notum est omnibus: Nam quis nescit, togam fuisse vestem Romanorum liberis ingenuisque propriam? vsque adeo, ut nulli seruorum licuerit gestare id vestimenti genus. Vnde *togatus* Latinis dicebatur ciuis Romanus. LIVIUS *Lib. III. cap. 52.* *Non pudet, licetorum vestrorum maiorem prope numerum in foro conspici, quam togatorum aliorumque?* vid. CICERO in *Verrem II, 62.* Igitur quanto maioris olim fiebat apud Romanos ius ciuitatis, et quanto magis Romani ingenuitate sua ac libertate gloriabantur, tanto honorificentius est ADVOCATIS vocari ab ipsis imperatoribus *togatos*. Namque hic titulus non solum auream sortem libere nascendi viuendique ipsis vindicat, verum etiam priuilegia civibus Romanis olim competentia adiudicat, quae quanta quamque honorifica quondam fuerint, neminem fugit. Adde, quod hoc ipso nomine ADVOCATIS dato, significetur, ingenuitatem ac sentiendi libertatem iisdem propriam ac quasi naturalem esse.

§. IV.

Porro hi ipsi ADVOCATI audiunt *scholastici* in L. 2. C. de *Lucr. adu.* Honestissima est pariter haec compellatio, qua proprie indicatur homo, qui in umbra et in secessu litteris operam nauat, et eloquentiam exercet ipse, aliosque docet. Grauis est locus PLINII, qui *Lib. II. epist. 3.* De *Isaëo* rhetore: *annum sexagesimum excessit, et adhuc Scholasticus tantum est: quo genere hominum nihil aut simplicius aut sincerius, aut melius.* Haec si encomia propriis

priis scholasticis tribuuntur, quis dubitabit, hoc ipso nomine non minores laudes adscribi *ADVOCATIS*? qui etsi non in fictis, ut illi proprie, sed in veris litibus versantur plerumque, tamen saepissime etiam domo et in secessu, clientibus suis ius fasque tradunt, et veram iustitiae imaginem sistunt. Nam in allegata lege ii cum primis *ADVOCATI* intelligendi sunt per scholasticos, qui more veterum iurisconsultorum, de quibus antea dictum est, priuatim ius explicant, et se consulentibus iustitiam docent.

§. V.

Sed licet honorificentissimum sit nomen scholastici, tamen eodem multo est honorificentior titulus *Oratoris*, qui iisdem *ADVOCATIS* plus vice simplici attribuitur in *L. 33. §. 1. Cod. de Episc. et cleric. et l. 3. §. 9. C. de V. I. E.* Tanta semper raritas oratorum bonorum fuit, ut vix vnus et alter ex omni memoria aetatum, temporum, ciuitatum extiterit. Perquam apposite *CICERO* de *oratore* l. 2. de Romana disserens Republica; *Quis dubitet, quin duces, ex vna urbe praestantissimos, paene innumerabiles, in dicendo autem excellentes vix paucos proferre possimus? Iam vero consilio ac sapientia qui regere ac gubernare rempublicam possent, multi nostra, plures patrum memoria, atque etiam maiorum extiterunt, quum boni perdiu, nulli, vix autem singulis aetatibus, singuli tolerabiles Oratores inuenirentur.* Ex quibus sequitur, quo rariores semper oratores fuerunt, hoc maiori honori esse *ADVOCATIS*, cognominationem oratoris: Quodsi usum, quem attulerunt semper oratores, paullo attentius intuemur, honorificentissimum hoc nomen censeamus oportet. Oratorum enim vis dispersos homines vnum in locum congregauit, et a fera et agresti vita, ad humanum cultum ciuilemque deduxit, *CICERO* de *oratore* *Lib. I. cap. 8. Leges vel tulit, vel la-*
tae

24 DE NOMINE ADVOCATORVM

tae vt placerent, effecit: ARISTIDES *orat. Platon. I. p. 182.* Iniurias propulſat et calumnias, QVINCTILIANVS *Inſtit. orator Lib. XII. cap. 2.* Iuſtitiam defendit: *Dialogus de cauſis corruptae eloquentiae cap. 39. ſeqq.* ad virtutem cohortatur, a vitiis reuocat, bonos laudat, improbos vituperat: CICERO *de oratore Lib. II. cap. 19.* Haec et reliqua omnia, quae orator eloquentia ſua et efficere poteſt et praeflare, nomine oratoris honorifico tribuuntur ADVOCATIS. Idem ſentiendum de eo, quando hi ipſi ADVOCATI praeter cetera vocantur *diſertiſſimi*, l. 13. C. de adu. diu. iudicior: Iumēt. l. 5. pr. C. de aduoc. diuer. iudic. Atque his ipſis diſertiſſimis viris, in conſtitutionibus ſanciendis vſus eſt Alexander Seuerus Imp. de quo ita ſcribit AELIVS LAMPRIDIVS *in vita eius cap. 16.* *Leges de iure populi et ſciſci moderatas et infinitas ſanxit: neque vllam conſtitutionem ſacraui: ſine viginti iuris peritis, et doctiſſimis et ſapientiſſimis viris, iisdemque diſertiſſimis, non minus quinquaginta, vt non minus in conſilio eſſent ſententiae, quam ſenatus conſultum conficerent, et id quidem ita, vt iretur per ſententias ſingulorum ac ſcriberetur, quid quiſque dixiſſet, dato tamen ſpatio ad diſquirendum, cogitandumque, priusquam dicerent, ne incogitati dicere cogerentur, de rebus ingentibus: Quare ſicuti Alexander Seuerus Imperator, ADVOCATOS diſertiſſimos in conſilium adhibuit et in ſacrandis Conſtitutionibus adminiſtros habuit, ſic neminem puto tam ignarum rerum olim geſtarum, quin ſciat, ſaepius quondam ob eloquentiam et diſcrendi facultatem, hominibus ſummam Imperii delatam fuiſſe. Tam honorificum eſt ADVOCATORVM nomen, vt et adminiſtranda republica, et ipſo imperio digni, propter ingenii et eloquentiae vbertatem habeantur.*

§. VI.

Aequè honorificus cenſendus eſt titulus ADVOCATORVM, quo in l. 4. §. 1. C. de adu. diu. iudic. vocantur viri *clariſſi-*

ssimi. Quodsi nomen *Clarissimus*, vfu nostrae aetatis, quae in titulis tribuendis maiorem in modum excedit, metiendum esset, dubito, an admodum esset honorificum *ADVOCATIS* futurum, vereorque, ne id ipsum illi infra dignitatem positum iudicaturi sint. Nam hac nostra aetate quilibet nomine *Clarissimus* salutatur, qui vix ferulae manum subduxit, et vix ac ne vix quidem altiora studia a limine salutavit. Ast longe alia erat ratio huius nominis apud Romanos. His enim clarissimi dicebantur, qui rerum gestarum amplitudine immortalem nominis famam consecuti erant, quique per totum terrarum orbem, factorum magnitudine, inclaruerant. Hinc Themistocles, dux Atheniensium, appellatur vir Clarissimus, propter res maximas gestas, iisque nominis immortalitatem partam, a CORNELIO *in eius vita cap. 8.* Speciatim etiam viri Clarissimii dicuntur CICERONI *de Oratore Lib. I. cap. 45.* qui propter iuris civilis scientiam, nominis famam, per regiones orbis terrarum sparserant. Deinde apud Romanos viri clarissimi iidem erant, qui suo erant nomine nobilissimi, h. e. ex familia, quae ius imaginum habebat, oriundi. Patet id ex CICERONE, qui, quemadmodum *in oratione ad Quirites post reditum cap. 3.* P. Popilium nobilissimum appellat hominem, Metellum vero clarissimum virum, sic e contrario *cap. 4.* Metellum vocat nobilissimum et constantissimum ciuem, Popilium autem clarissimum atque fortissimum virum. Denique Senatores hoc nomine gaudebant peculiari modo. Quo sensu interpretandus est CICERO *Catilin. III. cap. 10.* quando, *Superavit*, inquit, *postea Cinna cum Mario: tum vero clarissimis viris interfectis, lumina ciuitatis extincta sunt.* Quoniam enim Marius in bello, quod gessit, ciuili, plebis partibus addictus fuit, per se patet, Senatores, ordini plebe-

D

io

io oppositos, ab eo maxime trucidatos fuisse: Vnde *clarac personae* vocantur Senatores, eorumque vxores, *L. 5. D. de Cur. ac furios. et aliis etc.* Atque idem etiam exinde colligitur, quod ipsi Consules cum primis hoc nomine ornati leguntur. Ita *PLINIVS Lib. VII. epist. 33. Vereor, clarissimi Consules, ne mihi Massa silentio suo praeuarricationem obiecerit*, ad quem locum videatur *AVGVSTVS BVCHNERVS*. Hinc sunt *clarissimi Consulares*, apud *CICERONEM*, *orat. ad quirites post reditum cap. 3.* addatur *GOTTL. CORTE ad Sallustii Catilin. cap. 51.* Sic etiam a *CICERONE in Orat. pro Roscio Corn. Sulla, et in Orat. pro Murena* Q. Hortensius et M. Crassus vocantur *Viri Clarissimi*: Fabius quoque Senator sub Antonino Pio Imp. *Vir Clarissimus* in aliquo marmore appellatur: teste *REINESIO in Thes. Inscript. Cl. I. Inscript. 128. p. 258.* Plura eruditissime conquesta de excellentia et dignitate tituli *Clarissimus* ex antiquis veterum monumentis tradunt: *Magnific. GODOFR. LEONH. BAUDISIUS Academiae nostrae ingens decus ac ornamentum, in Dissertatione Lipsiae 1706. habita: De Titulis Viri Illustris, Spectabilis, Clarissimi, Magnifici, Excellentissimi, et Amplissimi, olim aulicis, nunc etiam scholasticis tributis: et IOAN. CHRISTOPH. BECMANNVS, in notitia dignitatum illustrium etc.* Quis ex his non cernit *ADVOCATOS*, cum propter nominis celebritatem, tum propter dignitatis amplitudinem vocari *clarissimos*?

§. VII.

Atque id mirifice confirmatur, et maximopere illustratur eo, quod in *L. 6. pr. C. de adu. diu. iudic. clarissima eloquentiae lumina* nuncupantur: Nam quum adiectiuo *Clarissima* adhuc addatur nomen *lumina*, quis dubitabit, per-

perquam honorificam hanc esse ADVOCATORVM compellationem: Huc spectat CICERO *pro Milone cap. 8.* Itaque delegit e florentissimis ordinibus ipsa lumina, neque vero, quod nonnulli disitiant, secrevit in iudiciis legendis amicos meos; ad quem locum annotavit ASCONIVS PAEDIANVS, nunquam neque clariores viros, neque sanctiores lectos esse iudices. Consentunt veteres, Q. Hortensium, secundum a Cicerone in eloquentia fuisse et summae in ciuitate dignitatis virum. Atqui hunc non dubitat CICERO ipse lumen et ornamentum reipublicae appellare. Sic enim *pro Milone cap. 14.* Vidi enim, vidi hunc ipsum Q. Hortensium, lumen et ornamentum reipublicae paene interfici seruorum manu. Quia itaque viri amplissimi sanctissimique apud Romanos dicebantur lumina, ADVOCATOS vel ideo pro amplissimis, sanctissimisque viris ducendos esse sequitur, quod et ipsi dicuntur lumina.

§. VIII.

Tandem etiam ADVOCATI praedicantur, vel Patroni simpliciter, *L. 1. §. 4. D. de postul. it. L. 6. pr. C. eod.* vel Patroni causarum *L. 5. C. de Adu. diu. iudicior.* Quem ego titulum si omnium fere principem vocauero, non me adeo a vero aberraturum spero. Nam patronos, qui Graecis περσάται dicuntur teste PLVTARCHO *Romul. p. 25.* ipse Romulus instituit. Vt enim nexus aliquis esset inter patricios et plebeios, sanxit Romae conditor, ut vnusquisque ex plebe, quem vellet, ex patriciis patronum sibi eligeret, vid. DIONYSIVS HALICARNASS. *Lib. II. cap. 9.* Hi patroni quemadmodum dicti sunt a patre, prout matronae quasi matres sunt, iudice Ill. HEINECCIO *Antiq. Roman. Lib. I. Tit. II. §. 29. pag. 56.* sic munus eorum erat, ut clientis causa ea facerent, quaecumque parentes, liberorum causa vulgo facere solent. Hinc patronum oportebat, ut cum laudato HEINECCIO

cio loquar, clientibus respondere de iure, cuius illi rudes erant, absentium aequae ac praesentium negotia curare, lites pro iis suscipere, in ius vocatos defendere, et quietem eis provirili parare a publicis privatisque negotiis. Tanta haec patroni in clientem obligatio, necessitudine ac fide adstricta erat, ut clientes hospicibus et cognatis praeferrentur. Elegans est locus GELLII Noct. Attic. Lib. V. cap. 13. Quum quaereretur, quibus nos officia prioribus potioribusque facere oporteret; si necesse esset in opera danda, faciendoque officio alios aliis anteferre: non constabat; conveniebat autem facile, constabatque ex moribus populi Romani, primum iuxta parentes locum tenere pupillos debere, fidei tutelaeque nostrae creditos, secundum eos proximum locum clientes habere, qui sese itidem in fulem patrociniūque nostrum dederunt: tum in tertio loco esse hospites: postea esse cognatos affinesque etc. etc. vid. idem GELLIVS Noct. Attic. Lib. XX. cap. I. Neque privati solum homines suos patronos habuerunt, verum etiam coloniae, urbes, et gentes Romanis amicae idem factitare consueverunt. Novimus enim Siculos fuisse in clientela Marcellorum, vid. CICERO in Verrem cap. I. ibique ASCONIVS. Allobroges in clientela Fabiorum, vid. SALLVSTIVS Bell. Catilin. cap. 41. Cyprum et Cappadociam in clientela Catonis: vid. idem CICERO ad Famil. XV. 4. Imo, nullum temere fuit negotiatorum corpus, nullum artificum collegium; quod non patronum sibi Romanam aliquam familiam adoptasset; quemadmodum haec suo more solidissime demonstravit Illustr. HEINECCIUS, cir. loc. pag. 57. seqq. Ex his omnibus de patronatus apud Romanos indole inter se collatis collectisque perspicuum fit, in patronis olim requisitam fuisse summam auctoritatem, sum-

nam fidem, summam iuris scientiam. Quamobrem, quando ADVOCATI, vocantur *patroni*, summa de ipsis autoritas, summa fides, summa iuris scientia praedicatur. Quo quid honorificentius dici possit de ADVOCATIS, ego quidem non intelligo.

§. IX.

Tam honorificum ergo quum sit ADVOCATORVM nomen, vnusquisque, qui se sacris Themidos initiauit, in id omni studio debet incumbere, vt dignum aliquando tam honorifico nomine, tamque splendidis ADVOCATORVM titulis se praestare possit. Quam ad rem vt nostris iuris cultoribus viam quodam modo pararem, constitutum mihi est, sequentia hoc semestri aestiuo aperire Collegia:

I. IVRIS GERMANICI: ad B. GEORGII BEYERI *Declinationem iuris Germanici*. Diebus 3. 4. et 5. ab Hor. Mat. IX. ad X.

II. INSTITUTIONALE: ipsum textum Institutionum explicabo, quid iura Germanica Romanis superaddant, inque foris nostris obtineat; demonstraturus: Diebus 3. 4. et 5. ab Hor. Mat. VIII. ad IX.

Cumque iurisprudentia sine historia esse non videatur, id agemus, vt inhaerendo iuri, historiam non negligamus; quare offero Collegium

III. IN HISTORIAM IVRIS: Ducem elegi Iureconsultum summum illustr. HEINECCIUM in *historia iuris Civilis Romani ac Germanici*: Diebus 6. et 7. ab Hor. Mat. IX. ad X.

IV. Interpretationem *Instrumenti Pacis Westphalicae* haftenus coeptam ad finem perducere allaborabo, quo labore ad finem vsque peracto, statim ad *Capitulationis nouissimae Carolinae* explicationem me accingam: Diebus 8. et 9. ab Hora pomerid. II. ad III.

32 DE NOMINE ADVOCAT. HONOR.

His laboribus absolutis, nisi summo rerum nostrarum moderatori, aliter forsan, de me studiisque meis disponere placuerit, Collegium Pandectarum, iuris Canonici, et practicum vobis polliceor.

Quidquid ingenii natura in me posuit, hoc omne, COMMILITONES SVAVISSIMI, vestro commodo consecrabo: nulla enim mihi cura est prior, nulla antiquior, quam ut vestris studiis commodisque, quoad possum, inseruiam. Hinc ego pro viribus meis, quas quidem scio esse exiguas, me vobis socium offero atque comitem; vosque de mea industria et fidelitate persuasissimos cupio, rogatosque volo, ut decenti attentione et frequentia docentis excitetis vigorem: Initium oblatorum Collegiorum fiet B. C. D. Die lunae post fest. Trinitatis, c. erit dies VI. mensis Iunii. Valere meisque fauere votis. Dabam Lipsiae Domin. in Albis: A. R. S. M DCC XXXV.

